

Landesbibliothek Oldenburg

Digitalisierung von Drucken

**Dissertatio Critica De Capitibvs Vltimis IX - XIII.
Posterioris Epistolae Pavlli Ad Corinthios Ab Eadem Havd
Separandis**

Gabler, Johann Philipp

Goettingae, [1782]

VD18 11725516

§. I. Difficultates nexus Cap. VIII. cum IX. exponuntur.

urn:nbn:de:gbv:45:1-14981

SECTIO I.

DE
CAPITIS IX. EPISTOLAE POSTERIORIS
AD CORINTHIOS
VERA AD PRAECEDENTIA CAPITA
RATIONE.

§. I.

*Difficultates nexus Cap. VIII. cum IX.
exponuntur.*

Vtroque posterioris epistolae ad Corin-
thios capite VIII. et IX. liberalitatem
in colligenda stipe pro Christianis Pa-
laestinensibus primis lectoribus maiorem in-
modum grauissimisque argumentis a Paullo
commendari, id quidem primo iam obtutu
facile intelligimus. Tantum vero abesse *vi-
detur*, vt, quod exspectari tamen iure possit,
argumenta persuasoria, quae Cap. VIII. pro-
poni cooperant, IXno hoc continentur, nouis-
que augeantur; vt potius prioribus quinque

A com-



commatibus idem contineatur, quod VIIIuo
iam capite prolixius expositum legimus, ac
Paullus vniuerse ita procedat, atque eius
modi dicendi formulis vtatur, ac si nihil ho-
rum in praecedente capite attigisset, sed no-
vum prorsus argumentum hoc capite tractare
incipiat. Haec enim priora quinque com-
mata si inspicimus, repeti videtur variis mo-
do formulis summa eorum, quae *tum* de egre-
gia spe, quam de liberali Corinthiorum ani-
mo conceperat, *tum* de legatione Titi eius-
que comitum ad studium leuandi larga manu
aliorum miserias in animis illorum alendum
et promouendum Cap. VIII. commatt. 6. 7.
8. 10. 11. 18. 22. 24. fusius iam exposue-
rat. — Incipit Cap. IX. verbis: *περι μεν γαρ*
της διαινοντας; qua quidem formula Paullus alibi
vtitur ad transeundum ab uno argumento
ad alterum; v. c. 1 Cor. VII, 1. XII, 1. XVI, 1.
Addit Apostolus: *περισσον μοι εσι το γραφειν υμιν*;
cum tamen per integrum Cap. VIII. studium
aliis beneficiendi Corinthiis suis magnopere
iamiam commendasset, ac in eodem argu-
mento per totum hoc Cap. IX. adhuc hae-
reat. Mentionem denique facit *Achaiae* com.
2; cum praecedens caput *Corinthiis* maxime
destinatum fuerit. — Hae sunt potiores dif-
ficultates, quibus soluendis ab aliis aliae hypo-
theses excogitatae fuerunt; quas singulas re-
censere iam atque dijudicare constituimus.

§. II.



§. II.

Prima hypothesis exponitur et examinatur.

Prima vero hypothesis ad illustrandam vniuersam Cap. IXni rationem ac indolem stabilita, cuius in praefatione iam mentionem fecimus, haec est: Caput hoc IXnum separatam esse schedulam, nec Corinthiis, sed caeteris ecclesiis Achaicis, vt aequa prolixam et beneficam, ac Corinthii, voluntatem egenis Palaestinensibus demonstrarent, destinatam; nulloque prorsus nexu cohaerere cum praeced. Cap. VIIIuo, quod potius, adiecto quidem Cap. XVI. epist. ad Romanos, posteriores has litteras claudere cendum sit, sed posthaec demum scidam illam a Corinthiis huic ipsi epistolae loco quidem eo, quo Paulos de eadem re ageret, adiunctam fuisse. Eius modi enim breuiores litteras per provinciam missas post aliquod tempus, ne perirent, collectas fuisse, atque maiori cuidam epistolae ad metropolin datae, loco quoquis aptissimo, omissa inscriptione et apostolica salutatione insertas. Qui antiquae ecclesiae Christianae mos si ad illustrandas Cap. illius IXni origines adferatur, manifestum esse, qua ratione in media hac epistola particula quedam exstet, quae cum antecedentibus non cohaereat. —

A 2

Verum